









Apostolus inquit, amor Patris, videlicet vera charitas in illo non est. Nihil magis oppositum est Deo, S. Jacobus ait, quam amor mundi; & quicumque vult esse amicus hujus seculi, inimicus Dei constituitur. Cum ergo Deus mundum dilexit, eumque in finem usque dilexit, tunc insensibilium sibi dilexit inimicum, sed ideo illum dilexit, ut eum sibi conciliaret amicum: etenim mittens ad eum Filium suum, non aliud sibi proposuit hic Princeps Pacis, quam illi dare Mediatorem, qui gratiam facere posset, & hoc innuebant Angeli cum in Salvatoris nativitate clamabant: *Gloria in Excelsis Deo, & in terra pax hominibus.* Amavit igitur Deus mundum peccatorem; & per Filium obtulit omnibus peccatoribus media pacis secum reconcilianda, evitandarumque poenarum illis debitaram, qui ab illo secedunt. Quid autem

mundus? Mediatorem, atque Salvatorem suum recipere noluit; in illum insurrexit, & quin sua expiaret scelera, illis cumulum addidit. Mediator vero, quin poenas repositet, bonum pro malo reponit; precatus est propter inimicum suum; oravit, & exauditus est pro sua reverentia, inquit A. B. s. *ad Heb. 5.* ejusque oratio propter infinitam orantis meritam exaudita fuit; vel ut aliis placet Interpretibus, exauditus est propter summam reverentiam, qua orationem suam comitabatur. Expectavit Deus, donec mundus Apostolorum predicatione conversus ageret poenitentiam; peperit illis quorum sincera erat poenitentia; pertinaces vero, obduratosque peccatores, postquam diu susceperat, tandem in eos animadvertit, eosque in infernum egit precipites. *Cardinalis Bellarmus in Tractatu de septem verbis Domini in Cruce.*

# DE AMORE

INIMICORUM, ET INJURIARUM VENIA.

MONITUM.

**Q**uamquam præceptum, quo Deus inimicos diligere iussit, sub generali Charitatis præcepto continetur, quo Proximum amare tenetur; attamen argumenti amplitudo causa est, ut Conciones scilicet partem ejusdem præcepti scilicet sumptam, qua Deus nobis injuriarum præcepti veniam; alterum vero positivum mandatum, quo inimicos etiam amare jubemur; non enim alios existimamus nobis inimicos, quam illos, a quibus læsæ sumus, & aliqua injuria affecti, & quomodo scilicet veniam tantam illis elargiri vellemus, semper tamen licere nobis arbitrari aliquam nasci causam, qua ab illis posita charitate diligendū excusentur. Ad hoc igitur argumentum pertractandum, quocumque instituitur via, hæc duo tamen semper jura conjungenda; quæ modicum generatim prætermissi non potest sermo de effectu ubi de illius causa pertractandum est; neque vicissim satis bene explicari potest natura effectus, quin de causa ipsius verba fiant; tunc vero præcipue cum de illi agitur, quæ ad morum pertinent disciplinam: quod tamen non prohibet quominus inter utramque aliqua fieri possit præceptio. Verum cum in duobus hisce præceptis ejusdem partibus variè admodum extensio gradus sint considerandi; quaeritur enim quid ille complectantur, & quomodo ea sese extendat obligatio, quando sint officia sublimiora circa eadem objecta, quando minus præceptum hoc obliget, & quænam sint officia sublimiora circa eadem objecta, quæ consilii tantummodo sunt, atque p. sectionis; hic affirmari quidquid aptius, ac fructuosius mihi undequaque colligere contigit, quo rite pertractari queat argumentum ex universa Morali Christiana maxime necessarium, & quod nunquam satis de suggestu tundi, retundique potest.

## PARAGRAPHUS PRIMUS.

Multiplex Concionum structura de Amore inimicorum, & venia injuriarum.

**I.** PRO concionis argumento, ac partitione duæ hæc possunt assumi, quæ ad veram, perfectamque reconciliationem faciendam maxime requiruntur. Primum est injurias, quibus affecti sumus, remittere, & eos diligere, qui nobis aliquod sensibile incommodum attulerunt, vel qui ad hoc intendendum parati sunt, propter odium, quo flagrant in nos, & qui nobis vere sunt inimici. Alterum est, exterius nosmet cum illis reconciliare, cum quibus jam necessitudinis vinculum fuerat, & quorum adpectum effugiebamus. Horum alterum offendet, a Deo internum odium prohiberi, alterum vero, præcipi, ut exterius resarcite gratie manifesta quædam præbeamus indicia. Ex illis, qui se parcere velle iustitiant, alii sibi persuadent satis esse, si minime in fratres suos odium testentur, cum interim animo mortales foveant inimicitias; alii sufficere arbitrantur interius veniam concedere, quin ipsi negotium facessat exterior reconciliatæ gratiæ species, post insignem inimicitiam, quæ ingens scandalum attulit. Duplex error duplici Concionis hujus parte impugnandus.

Primum autem offendendum est, nihil vulgatus esse, quam secretum odium fovere sub exteriori benevolentia specie. Non enim in aulis tantum usus est dissimulatione; ubi hilari vultu excipiuntur illi, quos male perditos cuperes; sed in om-

nium conditionum genere accola accolas, consanguinei etiam consanguineos; hi competitorum suos, illi homines, quibuscum non alia odii suppetit causa, quam antipathia, inter necio odio profaquantur. Numquid simile nobis inest? Omnino ex animo revellendum est, ut vere gratiam resarciamus. Hic afferendæ rationes sunt, hanc necessitatem probantes; formale, præcipueque Salvatoris præceptum exponendum est, quo non odisse tantum, verum etiam inimicos nostros amare jubemur: *Diligite inimicos vestros: Matth. 5.* more hujus mandati perfectio ostendenda; superat enim quancumque Philosophorum moderationem, qualibet Politicæ regulas, quævis urbanitatis officia. Charitas ipsam mali scrutatur originem, atque illud radicibus convellere studet. Cum proximo reconciliari debemus, quæmodum Deus nobiscum reconciliatur; obviscitur injuriarum, nullam fore veritatem, & nos eadem excipit hilaritate, quasi nulla unquam a nobis fuerit læsitas injuria. Hinc ostendendum est, quomodo aliquo ad ultionem sensum procederemus, ubi sese offerret occasio: hoc præceptum iustum esse, atque futurum ut aliqui nos iugiter odio, & invidia erga proximum agitentur &c.

Secundo. Neque minus certum est, gratiam penitus esse resarciendam, licet hoc nihilominus indubium vocetur. Omnes diluendæ sunt causæ, quæ

prætexi possunt ab hominibus, ut se ab hoc præcepto excusare aditantur: videlicet nos injuriam minime intulisse, hanc immo nobis illatam fuisse; nostrum non esse gressus primos ad amicitiam reconciliandam movere; illum hac nostra infirmitate abufur; ceterum vero, si ille accesserit prius, a nobis summa cum benevolentia exceptum iri; aliavæ id genus, quæ omnibus compertæ, exploratæque sunt, & quæ passim usurpari consueverunt.

**II.** Deo iracundiam, atque ultionis cupiditatem remittentes maximum gratissimumque offerimus sacrificium, quod quendam habet cum antiquæ legis sacrificiis similitudinem.

Primum erat holocaustum, ubi victima tota penitus erat absumenda; quod accidit, ubi Deo ultionem sacrificamus. Cum enim bona existimatio, facultates nobis ereptæ fuerint, vitæque nostra in summum fuerit discrimen adducta, si nihilominus præsto sumus, ut ex animo condonemus omnia, neque inde ultionem ullam expectamus, nihil jam superest nobis, quod offeramus Deo. Sacrificium istud integrum est, nihil de victima reliquum est.

Alterum erat sacrificium propitiatorium, quod vulgo *Sacrificium pro peccato* appellatur; quo nomine iure vocari potest ultionis nostræ sacrificium: neque enim, nisi inimicis acceptarum injuriarum veniam concesserimus, nunquam a Deo scelerum nostrorum veniam consequemur; e contra vero si ex animo pepercimus, nulla sunt crimina, vel numero, vel magnitudine adeo gravia, quorum venia optanda non sit. Hic autem uberimus Oratori ad dicendum campus aperitur.

Tertium erat *sacrificium in honorem*; non quod reliqua etiam sacrificia ad Dei honorem minime pertinerent, sed quod hoc nomine distinguuntur a propitiatorio sacrificia quæcumque ab Holocausto diversa, in quibus victimæ pars vel ministris Tabernaculi, vel illis, quorum nomine offerrebantur, cedebat. Quamvis autem verum sit, eos qui ex corde injurias remiserint, & illos, a quibus læsæ fuerint, dilexerint, offerre Domino sacrificium intergenitum illius præsertim rei, quæ maxime negotium facessit, & quæ honoris punctum vocatur; hoc tamen non prohibet, quominus fidelis, qui generose hujus oblationis quodammodo sumptus erogat, partem consequatur sibi reservatam a Deo honoris ipsius, qui pleno affectu immolatur, vel potius, non prohibet quo minus ex hac præclara actione alium toto celo suaviorem, nobilitatemque honorem excipiat, ex primi cineribus quodammodo existentem. Itaque hæc venia, hic amor & Deo, & homini maximo honori cedit; Deo quidem propter rationes, quas in parte prioribus vidimus: non enim melius suprema illius dignitas, ac summa auctoritas recognoscitur, quam in re tam difficili eidem obtemperando: homini vero, quia nihil majus, nihilque magis heroicum præstare potest, eo quod nobismetipsis majorem honorem, & coram Deo, & coram sapientioribus viris possit acquirere. Itaque iure quicumque fidelis propter celestem pacem, insignemque voluptatem ex hoc sacrificio emanantem id dicere possumus quod Spiritus Sanctus in Scripturis ait de fidelibus observatoribus legis, qui statim temporibus accedebant in Templam sacrificia sua Sacerdotibus obtuluri: *Et epulaberis in omnibus, quæ Dominus Deus tuus dederit tibi.*

**III.** In præcepto de injuriarum venia, & amore inimicorum Deus a nobis magna, & difficilia petit; sed obtemperantibus longe majora, nobisque utiliora promittit. Hæc esse potest Concionis partitio, quæ quidquid in hoc argumento spectabilis est, complectetur.

Pars prima. 1. Petit sinceram injuriarum, quibus affecti sumus, veniam, neque operosum est ostendere quatuorvies huic rei nostra repugnet natura, & eam explicare difficultatem, quæ superanda nobis est, ut in hac re nosmetipsos vincamus. 2. Sinceram erga inimicos nostros amorem; contra quod præceptum omnes affectus nostri rebellicant. 3. Ut illis bona velimus, & pro vitiis proceremus, qui nobis mala, & volunt, & faciunt. Hoc magnum quidem est; magis victoriæ, magis actionis.

Pars altera. Quid nobis vicium promittat Deus: 1. Omnium scelerum nostrorum veniam: 2. suam cum divina adoptione amicitiam: tertio æterna præmia, æternaque coronas.

Quantumvis difficilis sit lex a Filio Dei irrogata de remittendis injuriis, diligendique inimicis; rationes tamen, quibus ad eam diligentissime observandam impellimur, potentes sunt; atque præferendæ quibuscumque considerationibus, quas natura, consuetudo, ac leges mundi Evangelicis contrarie opponere possunt.

Prima vero, & validissima ratio est suprema legem hanc irrogantis auctoritas; jus, quod penes ipsum adest eandem ferendi; quid nos illi debeamus; facultas, quam habet imperandi; minas, quibus utitur, nisi parverimus &c.

Altera est pars illa, quam in nostris inimicitias sibi vendicat; videlicet quod bonum, malumve, quod proximo afferimus, sibi allatum putat; quod odia, ultiones, contumeliæ, quibus inimicos nostros prosequimur, in ipsum quoque redundant; & quod illum nostris odiis infestatur, & tamquam inimicum excipimus. Principium hoc diligentius enucleandum atque evolendum est, quod illius innititur verbo, qui eadem est Veritas.

Tertia, injuria, qua nosmetipsos afficimus exiguum proximo nostro debitum remittere detrahentes; cum nobis persulfum esse debeat, Deum aliquo in nos misericordia minime usum, neque remissurum immensa debita, quæ cum ipso contraximus, peccata videlicet, quæ commisimus.

In eo præcepto, quo a Filio Dei injurias condonare tenemur, adorabilem hunc Legislatorem considerare debemus, tamquam Dominum, Patrem, & Exemplar; hæc enim ipse qualitates assumit nobis hoc præceptum imponens.

Primum, tamquam Dominum nostram possit obedientiam in re æquissima, ubi de publica, ac nostra peculiariter agitur utilitate, & quæ ad rectum etiam Reipublicarum ordinem est necessaria.

Secundo, tamquam Pater vult nos sibi similes esse ea una in re, in qua aliquam cum ipso similitudinem habere possumus; scilicet in misericordia: *Ut sitis filii Patris vestri, Matth. 5.* atque ut alio in Evangelii loco scriptum est: *Ut sitis similes.*

Tertio, tamquam Exemplar, ingentia enim nobis exempla præbet parcendi, & imperat, ut ea sequamur, & imitemur.

Ut præceptum hoc eo modo ferretur, quem præcipit JESUS CHRISTUS, duo nobis superanda sunt, quæ Concionis partitionem possunt efficere.

Primo superandi sunt affectus validiores, & qui difficilius vincuntur; ira, quæ nonnumquam etiam æquior videtur; odium; ultionis cupiditas, quæ nobis naturalis est.

Secundo prætextus magis speciosi, & qui videntur æquissimi. Quinam autem illi sint, satis constat.

Triplex hominum genus huic obtemperare legi detrahant, quam Dei Filius irrogavit, & quam voluit diligentissime observari.

Dicunt quidam: non possumus; his ostendendum est, præceptum hoc nequaquam esse impossibile quemadmodum Ethnici quidam, & nonnulli Hæretici crediderunt; & licet difficile sit, Deum tamen ad illud servandum vires suppeditare.

Dicunt alii: non debemus; atque opponunt rationem, consuetudinem, mundi opinionem, honorem nominis, suæ conditionis officia. His vero demonstrandum est, quam arcta sit hæc in Christiana Religione obligatio; quam æqua lex hæc.

Dicunt alii tandem, non volumus. Hi perfrictæ frontis sunt homines audacissimi, omni vitiorum generi mancipati, cuius oblatio superanda est, illis exempla, promissiones, & minas Filii Dei ob oculos statuenda.

Dei elucet Misericordia, atque Justitia in hoc præcepto, quo imperat, ut inimici diligantur, & remittantur injurie.

1. Misericordia quidem in eo, quod cum sola nos cogere possit auctoritate ad sanctissimam legem hanc adimplendam, nos ad hoc invitare, pollicitus nos similiter criminum nostrorum veniam consecuturos, ejus gratiam iterum adepturos, tamquam filios suos exceptum iri, atque Cælesti hereditati esse reservandos. Ideoque lex hæc habeatur tamquam reliquarum Christianæ Religionis una omnium severissima, e contra, ubi ad examen vocetur, laudibus celebranda illius misericordia,